

A. G. LIBERTI

“Pe’ resistere,,

GITA A SALIERNO

Versi dialettali con numerose illustrazioni



**ASSOCIAZIONE NAZIONALE
FRA MUTILATI ED INVALIDI DI GUERRA**

NAPOLI 1918

NAPOLI
STABILIMENTO TIPOGRAFICO F. BIDERI
S. Pietro a Majella, 17
1918

Studi

nia e
isprud.

A

no

8



“ PE’ RESISTERE „



A. G. LIBERTI

A. G. LIBERTI

“Pe' resistere,,

GITA A SALIERNO

Versi dialettali con numerose illustrazioni




ASSOCIAZIONE NAZIONALE
FRA MUTILATI ED INVALIDI DI GUERRA

NAPOLI 1918

NAPOLI
STABILIMENTO TIPOGRAFICO F. BIDERI
S. Pietro a Majella, 17
1918

PROPRIETÀ LETTERARIA



24 MAGGIO 1915

'E 24 'e Maggio, verzo sera,
chi fuie presente nun s' 'o po' scurdà!
'A Ferrovia ce steva 'na fiera
'e gente, a ghi e venì de tutt'età.

Cu bace 'e fuoco, e cu resate allere,
'e partente partevano felice,
e felice restavano 'e mmugliere,
'e mmamme, 'e pate, 'e ssore, 'e frate e 'amice.

Na femmena ca vo' bene

Curaggio... 'un t'avveli... pienz' 'a salute,
e vide 'e turnà ampreso d' 'a battaglia...
Io penzarraggio a te or'e minute...
Famme felice, tuorne cu 'a medaglia!

...

Na signora gelosa

Ti prego, sa, non farmi sta 'mpenziere...
 Voglio notizie tue giorno per giorno:
 non t'invaghire delle forestiere...
 Reca vittoria, si; ma non un corno!

...

Nu suldato guappo e de buon core

'Nguerra nun ghiammo a fa brutte figure,
 e 'nce hanna rispettà chilli fetiente...
 Oje Ro', t'arraumanno 'e ccriature,
 vinnete tutt' 'e n'e fa mancà niente!...

...

Na signorina patriottica

Artù: diventi un bravo combattente...
 Appen che giunto sei nel Tirolese,
 tu scrivimi, che sono già redente
 TRIESTE, TRENTO, BOLZANO e CAVALLESE.

...

Partenza

Se parteve... VITTORIA! se sentette:
 VITTORIA! Tutt' 'o treno rispunnette!...
 Io d' 'o spurtiello cacciaie 'na mano,
 e salutaie NAPULE luntano!...

PRIMMO ATTACCO

STRIGNO IN VALSUGANA

LUGLIO 1915.

Che ghiorno che fuie chillo! Che bellezza!
'Nce se leggeve 'nfaccia a nuie 'a gioia!
Scumparetteno 'o suonno e 'a stanchezza,
famme, spasemo, pucundria e noia.

E chill'Ufficiale cu che franchezza
t'astrigeva cu 'a mano soia 'a toia...
E s' 'a redeva 'nziemo c' 'o suldato
e raccontava l'esito purtato.

Era 'e Luglio, verzo l'otto 'e matina
quann' 'o nemico accumulinciaie l'offesa
contro a nuje, che stavamo pront'e lesa
'mpusizione n' cimm'a a na cullina.

Ogne suldato, cu 'na rumanzina...
Diceve ch'aspettava 's'ta sorpresa;
se 'nferociva cumm' 'a nu' lione,
accarezzanno l'arma cu passione!

'O capitano nuosto ch'è 'e talento,
nun ce ne manca 'nfaccio a l'istruzione,
'o vedive zumpà tutto cuntento,
comme zompa a Natale 'o capitone!...

Senza perdere tempo e senza stiento,
 misuraie 'a distanza a precisione;
 e che vediste!... Nuie, a 'nu segnale,
 pì... pù... pò... pà... L'inferno è poco eguale!...

Doppo n'oretta e meza 'e 'sti duelle
 cunvenette 'e fermà pe fa 'na sosta,
 llà perdeveno palle e cerevelle,
 chill'ò nemico 'un deva chiù risposta.

Steve forse vulanno senza scelle
 smaedicenno l'aria 'a parta nosta...
 Mentre ca nuie stevamo priate
 vedenno a loro ch'erano scappate!

E comm' 'nfatto, visto 'o risultato,
 che mo ve scrivo a forme 'e nu giudizio,
 nu battaglione sano secutato:
 e duie 'ate puoste fore servizio;

D' 'a parte nosta, nun ce fuie suldato
 ch'avessero ferito pe' 'nu sfizio;
 'A perdita fuie chella sulamente
 'e 'nu tacco d' 'a scarpa 'e 'nu sergente!...

DOPPO D'AVANZATA

L'avrieta sapè 'e moglie noste
ca nuie facimm' 'o ppoco 'e sentimento
a 'sti Trentine pe' copp' 'a 'sti coste
quanno chiù fort'è 'o cumbattimento!

...

E tra 'ia fucelata e n'ata, muorto
quacch'uno cade e 'nsanguina 'o turreno!...
Tu stive amureggianno e... 'ncore puorte
'o rimorso e 'mmocca tiene 'o vveleno.

...

Vaie a rinfurzà 'o fronte chiù accanito,
te mine comm' 'a n'anema dannata,
pecchè l'ffesa ca tu 'e subito
è contr'a PATRIA, a te, e 'a 'nnammurata.

...

...Cessato 'o ffuoco, ce facimmo 'a tenna;
ringrazianmo a Dio ca 'nce ha criato!
Chesta p' l'Austria è pur'asciuto a vrenna...
Ce n'imno fatta n'ata 'e secutata...

Mentr'ino dorme stracque, n'ato veglia;
quacc'un va p' 'a caccia 'a quaglia 'e Maggio...
Quacc'ato amureggià lle torn' 'a voglia;
n'ato va lint' 'o BRENTA a fa 'o lavaggio.

'O juorno appriesso, vide ogni suldato
ca già tene 'mpaese l'amirosa!...
Se cunosceno 'a poco e già l'ha dato
nu bacio, 'nu ricordo e n'ata cosa...

'A giuventù, 'a freschezza, l'avvenire...
sti PPOPE (1) danno a nuie cu tutt' 'o core!
Simme una RAZZA! E dint' 'a l'uocchie nire
lle luce ITALIANAMENTE Ammore!

(1) Ragazze.

PIEDIGROTTA AL FRONTE

'N RIPOSO

Scennettemo 'n riposo 'int' 'o Trentino,
e propriamente abbascio a Valsugana:
n'amico me dicette: « Gennarino,
« Scrive 'na canzone napolitana. »

Io rispunnette: t'aggio accontentato,
e ce cantaie chisto « Richiammato ».

Dal « ROMA » 10 Ottobre 1915.

*Il soldato A. G. Liberti invia la seguente poesia
che già in Valsugana ha trovata la più lieta acco-
glienza ed è cantata da migliaia di soldati sul moti-
vo di Canzone a Chiarastella.*

'O RICHIAMMATO

1.

So' stato richiammato dinte Maggio,
'o mmeglio d' 'a stagione 'e primmavera;
vestuto grigio-verde, e po' 'nviaggio,
so ghiuto 'nzieme all'ate a la fruntiera.

Mugliere e figlie, tutto, imme lassato!
Purtamme 'sti ricorde 'nchiuso 'ncore,

e cu 'a speranza ca doppo arrivate,
tutto 'aunite 'nce facimme onore!

E quanno 'nce hanno visto
llati cumpagne nuoste
hanno ditto accussì:

Trento, Trieste e San Giusto:
tutto p' 'a patria nosta
c'onore core e gloria
avimma conquistà.

2.

Suffrimmo qualche poco allegramente,
cu 'a vuluntà de vincere sultante!
Sfidammo l'acqua e 'o viento fieramente,
alluccanno: SAVOIA! Sempre avante!

Pe' tutto chesto, simme cumpensate,
sti tterre già d' 'e nnoste so' na prova:
e quanto primma sarranno occupate
'o riesto; e se po' dì: L'ITALIA NOVA!

E ghiammo sempe avante,
pure fino a Vienna,
simme sicure già.

Trento, Trieste e San Giusto:
tutto p' 'a patria nosta
c'onore, core e gloria
avimma conquistà.

3.

'A Russia, 'a Francia, 'o 'Nglese, e nuie cu lloro,
vulimmo fa n'eterna fratellanza:
si Guglielmone porta varche d'oro,
nun se rinnova 'a Triplice alianza!

E Cecco Peppe, si nun more ancora
quann' 'o Trentino e Trieste so' occupate,
l'avimmo di: vallà, Straniero, fora,
sti terre 'e sango nuosto so' lavate!

Italia, Trieste e Trento
alluccarranno 'ncore,
Evviva 'a Libertà!

'Ncopp' 'a Torre 'e San Giusto
surrìde 'o Tricolore
pe' salutà 'a Milizia,
l'armata e la città!...

BATTESEMO 'E FUOCO!

Cambiammo fronte, assieme all'ate amice,
nu juorno, a San Michele fuie mannato;
sott' 'o flaggello ' 'e mitragliatrice
cadette.. .e fuie d' 'o fuoco battezzato!

Llà... 'ncoppo a BOSCO LANCIO propriamente,
quanno chiù fort'er' 'o cumbattimento!
Là cadette... Ma me songo aizato,
e forte cchiù d'acciaio temperato!...

PE' RESISTERE

Te siente Italiano? Embè, resiste!
Pe' chi resiste, vincere s'intende:
'o saie o no c' 'o sacrificio esiste
pe' tutte, nun sulo p' 'e cumbattente.

Tu staie 'a casa toia, e nun l' 'e viste
ch'hanno resistite accanitamente
sul PIAVE, 'e nuoste a chilli cammurriste
ca vulevano passà barberamente.

...Cumpagne ca simme state vicino,
ancora 'annanz' 'a st'uocchie mieie ve veco,
arrampecà pe' copp' 'o SABOTINO!...

E d'alluccà SAVOIA! sento l'eco...
Pareve 'nu liono ogne fantino!
Chi nun resiste mo è n'austrieco!

PE' L'ONORE!

'E llire... È overo, sì, ca song' 'o frutto
ch'è ricavate da stiente e sudore!
Ma li'a sapè 'mpiegà, si no 'e distrutto
l'avvenì tuio, 'a dignità, 'o decoro

Date 'e risparmie 'a Patria, sopr'a tutto;
'a Patria è chella ca ce dà l'onore!
E chi 'a Patria nun dà, purtarrà 'o llutto
d' 'a vergogna cu' isso 'ntutte ll'ore!

Io l'haggio date tutto! E nun ce tengo
a purtà 'e llire 'nguollo e 'anelle 'e mmano;
basta c' 'a Patria saglie, io me ne scengo!

'O duvere 'aggio fatto sano sano!
so Patriota ca d' 'a guerra vengo;
me pozz' 'o no chiammà ITALIANO?

'O PRESTITO NAZIUNALE


'O Prestito 'o ssaie ch'è? 'Nu carusiello,
che a poco 'a vota, tu risparmié assaie...
E si tiene 'nu figlio guagliunciello,
quann'isso è gruosso, 'o lieve 'a miez' 'e guaie!


'A Patria, nun s'adda luvà 'o cappiello
a l'Estro pe' denaro, e tu ce faie
n'affare e na figura 'e guappetiello,
'nfaccio 'o nemmico e... nzò a che pizzo vaie.

Che te credisse c' 'o dunasse 'o Stato
chello ca tu risparmié? Tu 'nce 'o 'mprieste,
e l'aie n'ata vota e adduplicato;

E 'nguragge 'e suldate, e siente prieto
ch'hanno acquistato nun sulo 'o llassato,
ma che stanno cu 'o pede dinto TRIESTE.

GITA A SALIERNO





Dal « *CORRIERE DI NAPOLI* »

4 marzo 1918.

Un giro di propaganda dei mutilati di guerra

SALERNO, 2

La Commissione dei mutilati di guerra, presieduta dal Ten. Sig. Ingangi, inizierà domani un giro in alcuni paesi della nostra provincia, allo scopo di incitare le popolazioni alla resistenza ed alla sottoscrizione del Prestito Nazionale, sia in contanti, che nelle forme assicurative.

La Commissione sarà accompagnata dal Comendator Giovanni Cuomo, l'instancabile propagandista ed affascinante oratore.

Oltre al mutilato Ingangi, simpaticissimo efficace parlatore, che già in altri paesi ha fatto udire la sua voce infiammata di fede e di patriottismo, parlerà, in questo giro, il soldato A. G. Liberti, napoletano, poeta dialettale, un poeta di istinto, dalla parola semplice spontanea, non appesantita di erudizione, ma agile, snella, impetuosa: piena di calore e di immagini.

L'itinerario di questo giro di propaganda è il seguente:

Lunedì, 4 marzo, stabilimenti di Fratte di Salerno ore 10; Campagna ore 16.30; Eboli, ore 18.30. Martedì, 5 marzo, Albanella, ore 10; Roccadaspide ore 12; Castel S. Lorenzo, ore 16; Capaccio ore 18. Mercoledì, 6 marzo, Baronissi, ore 9.30; Pellizzano, ore 11; Fisciano, ore 12.30; Mercato S. Severino, ore 16.; Castel S. Giorgio, ore 17.30; Roccapiemonte, ore 18.30. Giovedì, 7 marzo, Nocera Sup. ore 10; S. Marzano, ore 16; S. Valentino, ore 17.30; Sarno, ore 18.30. Venerdì, 8 marzo, Majori, ore 9; Tramonti, ore 12; Amalfi, ore 17.

Dal « GIORNALE D'ITALIA »

Giovedì 7 marzo 1918

Vita Salernitana: I mutilati e la guerra

Oggi è incominciato il giro di propaganda per la resistenza interna e per la sottoscrizione al Prestito Nazionale della Commissione dei Mutilati, composta di gloriosi reduci e presieduta dal valoroso Ten. Ingangi, un mutilato dell'anima ardente e dell'eloquio facile e suggestivo che, insieme con il solerte ed infaticabile Comm. Giovanni Cuomo e con un giovanissimo poeta dialettale napoletano A. G. Liberti, altro glorioso mutilato, parleranno nei maggiori Co-

muni della provincia e precisamente oggi, mercoledì, a Baronissi, alle ore 9, Pellizzano ore 11, Fisciano ore 12.30. Mercato S. Severino ore 16, Castel S. Giorgio ore 17.30 Rocca Piemonte ore 18.30, Giovedì 7 marzo, Nocera superiore ore 10, S. Marzano ore 16, S. Valentino, ore 17, Sabato 9 marzo: Nocera Inferiore ore 10, Pagani ore 12, Scafati ore 17, Angri ore 18. Domenica 10 marzo: Salerno ore 12. Cava dei Tirreni ore 17.

Il giro, iniziato domenica scorsa, si è svolto trionfalmente attraverso Montecorvino, Faiano, Pontecagnano, Pugliano, Montecorvino Rovella, Giffoni, Valle Piana, Giffoni sei Casali, Battipaglia, Albanello, Rocca d'Aspide Castel S. Lorenzo, Capaccio, Eboli, Campagna, Cetara, raccogliendo larga messe di plauso e di sottoscrizioni.

Ai gloriosi mutilati, che non dubitano di dare ancora alla Patria tutto quanto rimane di loro stessi, arrivi il nostro commosso saluto esultante.

Salerno, 6 marzo 1918.

Dal « RISORGIMENTO SALERNITANO »

Salerno, 23 marzo 1918.

I mutilati e i feriti di guerra

per il Prestito Nazionale

Date, date alla Madre nostra, voi che siete figli diletteggiosi, date i risparmi con lo stesso orgoglio con cui avete dato i figli, poichè ognuno possa cantare con coscienza: Va fuori d'Italia — Va fuori o

stranier.... « Così ha sempre conchiuso il soldato Liberti, con la voce che sa il ritmo suadente delle canzoni di Napoli.

« Vincere, nell'ora che volge, non vuol dire soltanto vincere, ma vuol dire soprattutto VIVERE!...» ha ammonito il tenente Ingangi Vincenzo, agitando l'unico braccio illeso, quasi ad ammonire il barbaro invasore.....

E l'amor d'Italia sempre vivo, che lo spinse ad arrolarsi volontario fra i magnifici Granatieri di Sardegna, con i quali pugnò e cadde, ha fatto avere alle parole di Paolo Lauria, dell'Istituto Nazionale delle Assicurazioni, una poesia nuova, per quanto parlasse di aride cifre.

Da tutti i comuni ci giunge l'eco delle calorose ed entusiastiche accoglienze fatte ai tre giovani soldati — che erano accompagnati dall'infaticabile Capitano Sig. d'Avossa, per l'Ufficio Zona sorveglianza operai esonerati; dal solerte Ispettore Scolastico Sig. Caporiccio; dall'Agente Generale dello Istituto Nazionale delle Assicurazioni Sig. Barone Antonio, il quale ha saputo rimettere alla Direzione Generale già per circa SEI MILIONI E MEZZO di contratti sottoscritti nella forma assicurativa, (i numeri mai come in questo caso hanno più eloquenza di ogni altra parola!) e dall'Ill. Prof. Comm. Cuomo, che delle idee più nobili, più pure e più alte, ne fa un apostolato. Sappiamo pure che le sottoscrizioni non si fanno aspettare, e ciò forse più dei tanti e più fragranti fiori di questa precoce primavera ita-

lica, offerti con profusione magnifica, dice quale risultato ha avuto il giro fatto nella Provincia dalla Commissione.

Sappiamo che le Ditte Industriali continuano a rispondere come si deve all'appello della Patria, e prossimamente preciseremo come per il passato.

AI LAVORATORI DEL SALERNITANO

N'AFFARE E NU DUVERE


Salerniano mio, o' fatto è cchisto,
lassammo si è n'affare; ma io credo
ca cchiù'e n'affare, chisto è nu DUVERE.

E po, ' 'o ddico, quanto è certo Cristo
ca chi è TALIANO cà se vede,
e si l'anena e 'o core so' sincere.

...Cu quatto lire e poche solde 'o mese,
« ca può astiparte a duie tre solde 'o juorno »
tu doppo quinnece anne agghiuste 'e spese
e può fa 'o cummerciantente senza scuorno.

Si po' salute a te ,murisse priesto,
pure doppo pagate 'e pprimme rate,
e' llire lave chillo ca tu riesto
senza ca pave cchiù, bonificate.

E chiso tale, po' essere pure
n'amico tuo, ca sta cu 'e spalle 'o muro...
T'aggio spiegato proprio a lengua nosta,
nun credo ca tu tiene 'a capa tosta!
Mo ch' 'e capito tutto e si cuntento,
si nun te sottoscrive... nun vaie niente.



GITA A SALIERNO

A NAPOLI

E saglimmo 'int' 'o treno, e a nomme 'e Dio
se piglia 'a via ca men'a Salierno:
a nu scumpartimento, Ingangi e io.
(Fora chiueva proprio 'mpieno vierno!)

.

A SALIERNO

Ad Ant. Barone


Arrivate che fuieme 'a stazione,
'nvece 'e l'automobile, trovammo
n'ambulanza... specie 'e carrettone
p' 'e cane... ch'era cchiù gruosso 'e 'nu trammo!


'O tenente me present'e: « Barone ».
« Liberti » rispongh'io: ce stengo 'a mana:
(Er'Agente 'e l'Assicurazione)
ca 'nziemo a nuie se steve 'a 'na settimana.

Teneva 'a barba comm' 'a Gesù Cristo,
ma ce pareva ch'era n'ommo dabbene.
Ce mettimmo 'ncammينو... e che beriste!
Nuje dintò facevamo 'o va e viene...




Stazione ferroviaria di Salerno





Salerno dalla Ferrovia





I. GIRO


Dich'io: addò se va? A Pontecagnano;
a chesto, 'o carrettone trabballea...
— e 'a via comm'è? — Bona fino a FAIANO,
— È 'o riesto? Peggio 'e chesto! - Uh Dio - Pazzea!

A 'sti paise 'e bello steve 'o vino!
Po' jettemo a ROVELLA, VALLEPIANA,
GIFFONI, SEI CASALI, MONTECORVINO,
PUGLIANO; fuie principio 'e settimana.


'A BATTIPAGLIA, jettemo 'nritardo
ca fernette p' a strata l'abbenzina;
pe chesta via 'nu figlio 'e... Bastardo,
avette ardire 'e tirà 'na... sassina...

Fuie 'na furtuna! ca si no Barone
a st'ora tenarria n'occhio mancante!
Chella sassina, 'nfaccio 'o carrettone
putette fa 'n'ammaccatura tanto!

E pe' chiusura d' 'a primma jurnata;
scennenno da ROVELLA, senza luna,
vaco pe' l'aria cu 'a gamba malata...
Dice 'o sciafferro: — È niente... è n'osso 'e pruna!



Panorama del Porto di Salerno



II. GIRO

'O juorno appriesso, se va ad ALBANELLA,
'nu paese accussi! Quatto cafune...
(ato che MONTECORVINO ROVELLA!)
Cheste so' gente 'a piglià a buffettune!

...

Neh, chille me parevano alleccute...
pure quanno parlaie 'o parrucchiano:
'E mmummie alisandrine... zitte e mute...
E senza sbattere 'nu poco 'e mmano.

...

A ROCCADASPIDE, che differenza!
Cà sì ca songo 'e Die d' 'e Cristiane,
nun so' sultanto belle d'apparenza,
teneno 'o core d'ORO pur' 'e cane!

Nun sulo 'a Giunta se facette onore;
 (se sape pecchè chisto 'un so' gnurante).
 Ognuno (se vedeva) era Signore,
 che v'aggia di? Perfino 'o Risturante!

Io m'arricordo sempe d' 'o crapetto!...
 E po' chell'uva? Ma ch'era 'int'austo?
 E chello vino? E quanto ne vevette...
 'A verità? Là 'nce pruvaie gusto.

È inutile parlà d' 'e pulle e 'a pasta,
 noce, nucelle, fiche, mele e pizze;
 niente nce steva ca se putria di guasta...
 Llà 'o cuoco ce trattaie cu 'e verrizze...

E PASSARO, avvucato, chi s' 'o scorde?
 E 'o SINNACO? N'ato core cuntento!
 'Nfino a che campe, sempe, 'stu ricordo
 m'adda mantenè vivo 'o sentimento!...

Ve basta a di: ca 'na bella signora,
 me dette 'o braccio a me ca so' sciancato!...
 Io fuie cuntento de 'sta vita n'ora
 e benedico a Dio ca l'ha criato.

Ah! ROCCADASPIDE! Si tu l'acciette
n'augurio, 'nu saluto e 'nu pensiero,
io te ringrazio! E da 'stu core 'mpietto
'o palpeto te manno, 'o cchiù sincero!

'E pensiere, 'e salute manno 'a gente,
a 'o Sinnaco cu tutta 'a cumpagnia...
D' 'o cchiù gruosso Signore, a 'o cchiù pezzente,
pe' fino 'e pprete ca stanno p' 'a via!

.

E l'avvocato PASSARO, da ROCCA
a CASTEL SAN LORENZO ce purtaie;
'o vino 'e cà, se vede e nun se tocca...
E comme 'nfatto io poco ne provaie.

Steve cu nuie 'o Capo Stazione
'e CAPACCIO e l'amico Lauria,
tutt' 'e duie 'e l'Assicurazione:
brave persone pe' 'na cumpagnia.

E a SAN LORENZO riuscì benino,
All'urdemo, siccomm'è custumanza,
regularmente cacciajeno 'o vino,
ca nuie l'assaggiajemo pe' erianza.

Facettemo ritorno tutt' a ROCCA
 pe' salutà 'sta perla 'e tutt' amice!
 Ce scambiajemo qualche bacio 'mmocca,
 e pare ca ognuno era felice!

.

Saglienno c' 'ambulanza puzzulente,
 'o capo, Ingangi, io e Lauria,
 p' 'a muntagna 'e CAPACCIO, lentamente
 sentettemo 'e sunà l'avummaria!...

Ch'azzardo, a ghi là 'ncoppo! E po' a chell'ora!
 Cu chillo tiempo!.. 'O ppenzo.. Uh Mamma mia!
 Cielo e muntagne! Me spavento ancora!
 Nun se 'ncuntrave n'anema p' 'a via!...

Dorme 'o paese!... Dorme tutt' 'a gentel!...
 'Nu silenzio 'e munasterio attuorno;
 — A chi spiammo? — Dicett' 'o Tenente:
 — Cà certo nce fa notte a miezo juorno!... —

N'acqua ca te traseve dint' 'a ll'osse...
 N'oscurità... Pareve 'e sta 'o Trentino...
 'A poche passe, cierti colpe 'e tosse...
 S'avvicinaie 'o Sinnaco vicino:


— Signori, mi dispiace... Ma vedete, l'appuntamento er' alle ore diciotto, ora non vi è nessuno, se credete, potete ritornà domani all'otto. —


Vist' 'o tenente ca se 'nferociva, 'o Sinnaco dicette: — Int' 'a mezz'ora io con le torce, le anime vive vi porterò, per fin la mia signora. —

Ce cummenette 'e ce mustrà umane... Lasciammo a lui tutt' 'e spiegazione, isso, 'mpaese, 'e diceva dimane, mannanno 'a lista 'o Capo Stazione.

E se chiudette pure st'ato juorno ca è sicondo d' 'a gita 'e strapazzo, cu 'na scenetta quase... quase e' scuorno... 'A lucandera ce chammaie: pazze!

Chella vulea sapè 'e fatte nuoste, e ce dicette: — Pazzi, or è l'una, cosa andate facendo? — E nuie, tuoste: — Non dobbiamo dà conto 'a nessuna!... —





III. E IV. GIRO

—

'O terzo e 'o quarto juorno, niente 'e nuovo;
BARONISSI, PELLAZZANO, FISCIANO,
'nu casatello cu 'ncoppo tre uovo...
Tre paiselle ca t' 'astrigne 'mmano!

'Na Maistrina ca me deve gusto
era chella 'e MERCATO SAN SEVERINO;
Semplice, bella, svelta e senza busto,
uocchie e capille nire e naso fino.


Ve dio: 'unn'era tipo 'e sta 'mpaese,
e che paese po'... Mille guagliune...
'A for' 'c Sinnaco ch'è 'nu Marchese,
'o riestoso' na vranca 'e scauzune!

V'abbasta a di: successe 'o fuie fuie,
quanno o Sinnaco stesso, scola, scola,
jette pe di ca là jevamo nuie,
scappaieno chiagnenno a squarcia gola!...


CASTEL SAN GIORGIO, cà tutte signure:
ROCCAPIEMONTE, se po' di 'o stesso,
Cà fanno a gare a fa' belli figure,
nun songo, ch'aggia di? statue 'e gesso.

EBOLI: è degno 'e nota e de rispetto;
CAMPAGNA; 'nu ricordo m'ha rummaso,
pe 'terra, foglie 'e lauro 'a mazzetto,
ca tengo profumato ancora 'o naso!

Anze, a CAMPAGNA, ce tengo n'amico;
Trimarco: comm' 'a me ferito 'e guerra,
ca si me serba l'amicizia antica
io benedico chillo lembo 'e terra!



Nocera inferiore : Piazza d' Armi



V. GIRO

Al Prof. G. Cuomo

È chisto 'o meglio giro p' 'e campagne,
chisto ch'è 'o quinto viaggio... Quale onore!
'O professore CUOMO 'nce accumpagne;
n'omme ch'è core, sentimento e ammore!

È democratico 'nfino 'e capille,
è vero PATRIOTA ardente e schietto,
l'ITALIA 'e chiste, si n'avesse mille,
ognuno se scurdasse CAPORETTO! (1)

Sul' 'a presenza soia, dice ogne cosa;
addò s'accosta, ognuno se scappella!
Tene 'na voce fresca e armuniosa
ca pure chi nun vo, risponne 'appello.

(1) Allude al disastro di Caporetto, nell'ottobre 1917.

E cu che maistria dispenza 'o ggrano, (1)
 'o riso, 'a pasta pe' tutt' 'e cumune!
 Cummendatore... e va cu 'o core 'nmano!
 'O cunosceno tutte, 'nfi 'e guagliune.

'Nu pare 'e juorne cu nuje cammenaie;
 (me pare d' 'o tenè sempe presente...)
 Chisto, ch'è onor'e vante, ricavaie,
 dudecemila lire 'e cumbattente. (2)

E sua Eccellenza NITTI, st'ata menta
 c'ha saputo sbruglià 'nu fosco dramma
 quanno l'ITALIA steve cu 'a pententa...
 Ogne cosa ha saputo a Telegramma.

E l'ha saputo pe gloria e duvere,
 'sta gloria ch'è adurato comm' 'a santo!
 L'amice se so' mise cu piacere
 pe lle mmustà si 'o vonno bene e quanto!

(1) Il Prof. Cuomo era Presidente del Consorzio granario per la prov. di Salerno.

(2) Il Prof. Cuomo, ammiratissimo dell'opera altamente patriottica di S. E. Nitti, ricavò, nel giro di propaganda, 12 mila lire per l'opera dei combattenti, informando a S. E. stessa per telegramma dai comuni medesimi che l'offrivano.

...

Giovedì 7 marzo, a SAN MARZANO,
venette pure don Giovanni Cuomo,
chist'era 'nu paese fore mano,
ma 'o Sinnaco facette 'o galantuomo,

...

Sottoscrivette p'isso e p' 'o Comune;
'o stesso fecero SAN VALENTINO,
NOCERA, e 'a scola d' 'e guagliune
A SARNO, e l'ata NOCERA vicino.

...

A SARNO... Si ce penzo rido ancora..
Basta di ch'era quase mezanotte,
scetaino 'o Piscatore e 'a chell'ora,
avetta piscà 'anguille sott' 'a botta!...

...

'O Sinnaco mettette 'e maccarune,
e n'assessore 'o ppane, 'a carne e 'o vino;
'o canteniere mettette 'e gravune...
E se facette 'nu pranzo strafino...

...

Chi jeve... Chi veneva... annanze... arreto...
Vice pretore, Sinnaco, Assessore:
llà ce mancava sulo l'arciprete...
Tutta 'sta festa era p' 'o Professore!

'Na fierà a gli e venì cu' 'a rrobba 'nmano.
 Me pareve 'o paese d' 'a cuccagna...
 Caffè, frutte, sicarre; cosa strana!
 Parea l'urdemo juorno ca se magna!...

.


Erano quase 'e doje, quanno partette
 l'automobile da miez' 'a piazza:
 Barone e Lauria (1), là rummanette;
 chell'a vettura nun er' 'e strapazzo...

Teneve 'na valestera mancante...
 E rutte cierti pierne 'o quarto 'e rete...
 Nuje ce raccumannajemo a tutt' 'e sante;
 llà 'nce steve 'o fiume e 'e mucchie 'e prete!...

(1) Barone e Lauria. Il primo Direttore dell'Istituto Nazionale delle Assicurazioni. Il secondo Ispettore dell'Ist. medesimo.



Panorama di Amalfi da Ravello



VI. GIRO

'O juorno appriesso, fuie pe me 'na gioia,
se jeve 'AMALFI, tanta decantate!
Venette l'automobile 'o Savoia (1)
ca già o' sole steve miez' 'e strate.

...

SALIERNO! P'otto juorne aggio veduto
chello ca chi nun vede, nun 'o crede;
qualunque cosa dico, 'un so' creduto,
credere 'o po' sultanto chi te vede!

...

'A via 'e l'INDIPENDENZA, a curve 'e pazza,
sta 'na ringhiera ch'è gusto e sveltezza!
Nun pare strada, pare 'na terrazza
addò te può scurdà d'ogne amarezza!...

(1) Hotel Savoia, nostro albergo.

E poi vai a CETARA, città nova,
 ca sta dint' 'a 'na curva d' 'a custiera,
 e là, na cosa vecchia nun se trova...
 Me pare 'na cuntrada furestiera!

E vide appriesso appriesso, lungo 'a via,
 addò stette 'o PUETA DELLEFRINE,
 'A LOGGIA CIMBRONE, GROTTA BADIA;
 Ah!... cà stanno bellizze senza fine!...

E cchiù nnante ce truove 'o CARUSIELLO,
 ca nun saccio pecchè er' 'e SCARFOGLIO:
 N'ata bellezza sta 'ncoppo RAVIELLO!
 Ma pe' ghì cà 'nce serve 'o portafoglio.

Pe' chesta via, sta 'nu paese: ATRANO,
 ca se po' dì 'o re d' 'a pulizia!
 Pittano fin' 'o culo d' 'o tiano...
 E ghianca sta pittata pur' 'a via.

.

Giranno p' 'a custiera chien' 'e sole
 me pareva 'e campà 'na vita nova!...
 Era 'ntiempo ca schioppa 'e vviole...
 N'ora cchiù bella 'e chella nun 'a prova!

.

Arrivate a MAIORI, fuie surpreso
a vedè n'apparecchio comm' 'a chello!
steve 'aspettanno llà tutt' 'o paese...
Ve dico, n'accoglienza troppo bella!

Femmene 'e tutt' 'età, vecchie e zitelle
cu piett' e spalle d'antiche romane!...
cu' giuventù, salute e uocchie belle;
e piccerelle, vocche, piede e... mane.

D' 'e speranze d'ITALIA 'e dimane,
for' 'a marina, ce n'era 'na schiera;
cammise rosse, tammurrielle 'nmano,
berrette 'e tre culore, comm' 'a bandiera!

Appena l'automobile fermaie,
sentiste: Brè... Brè... Brè... sbattute 'e mane,
vivoooo (che saccio chè...) Fuie bello assaie!
Cosa da fa stupì 'e cristiane.

'O ssoleto, 'nce steve 'o giurnalista...
Qualche Maistrina sentimentale,
c'attir'attenzione a primma vista,
e ch'a lassarla doppo te fa male!...

E doppo 'e cà, TRAMONTI 'nce aspettava:
 ma se facette tarde, e p' 'a muntagna
 scenneva 'o Sinneco d'arracquà 'e fave,
 eh'a passione soia è p' 'a campagna.

E ce dicette, c' 'a gente 'npaese,
 seccate d'aspettarce fin'allora
 senza putè magnà, se n'era scesa
 mannanno 'a cunferenza a fa... mmalora.

.

Lucev' 'o sole 'ncopp' 'a l'onne 'argiente...
 Sentimmo lentamente 'e sunà l'una...
 Pe l'aria nun ce steva n'ombra 'e viento!
 E ce fermammo 'o RISTORANTE LUNA.

A ciento metre 'AMALFI, a 'nu Cunvento
 ca mo è albergo e pure... Risturante;
 'stu core mio malato fuie cuntento
 'nu pare d'ore d' 'a vita sultanto!...

Dint' 'o registro ca de firme è chino
 tu liegge c' 'o Tedesco llà è stato...
 Guardanno 'o scritto ca tiene vicino
 'o male ca t'ha fatto t' 'e scurdato!

Te l'è scurdato pecchè truove 'o vvero
 scritt' int' 'o libro ch'è Vangelo eterno!
 Forze, ca sulo tanno fuie sincero?
 Nun se po' giudicà, ce sta l'inferno!

'O saie c'ha scritto 'stu nemico nuosto
 dint' 'a 'stu libro e ch'è 'na verità?
 — P' 'o munno; o vaie, o viene, o muscio, o tuosto
 n'ato golfo 'ncantato nun ce sta!... —

E nun ce sta!... È verità palpante,
 ca vide, tuocche e ca tiene vicino!
 E pienze ca sta verità sultanto
 fa 'nu Tedesco addeventà divino!

.

Ascenno 'a stu Cunvento-Ristorante,
 'o colpo d'occhio e l'armunia 'e l'onne
 ve sperden' 'e penziere triste e affrante,
 comme sperde pe' l'aria 'o viento 'e fronne!

Iammo 'o Comune: e llà resto 'ncantato!
 Pe' faccio 'e mure, stevan' 'e mudelle
 d' 'o DUOMO 'AMALFI, e 'nu Cristo pitta'ò
 d' 'e mano 'e DON DUMINECO MURELLE, (1)

(1) Modelli del Duomo d'Amalfi celebri dipinti di Domenico Morelli.

'Na tela, 'a sala appriesso, gemma d'arte!
lazzariata cumm' 'a l'ECCE HOMO...
spieg' 'a battaglia ,addò presero parte
l'amalfitane. « chesto 'o disse Cuomo. »

'Amalfitane so' state guerriere!
liggite 'a storia si nun me credite;
truvate ch'e Pisane « par'ajere! »
'O Mille e tante, se manciajeno 'o dito!


E po' basta sapè ch'Amalfi ha dato
FLAVIO GIOIA, ca nun fuie 'nu chiachiello...
E si nun basta, ve ne dico n'ato:
'AMALFI detto pure MASANIELLO!

.


Scennenno da 'stu lembo 'e paraviso,
'o sole se cuccave arret' 'e monte !...
'Nu raggio 'e lun'ascette all'improvviso
e pe' saluto, 'nce vasaie 'nfronte!...

AMALFI!... Te salute e benedico!
'Nziemo cu' 'o mare, VALLE DEI MULINI,
chi è nato, chi adda nascere e l'antico
CUNVENTO de li frate CAPPUCINI!

E pe' ricordo speciale mio
te scrive 'stu sunetto puveriello,
pecchè... che sa... me faie venì 'o gulio...
Pecchè... si stato 'a MAMMA 'E MASANIELLO.



ATRANI



Amalfi : Pergolato dell' Hôtel Cappuccini



AMALFI


agli Amalfitani

Ogne pueta pe' SURRIENTO canta
cu core, simpatia e sentimento!
C'è chi ama PUSILLECO e l'avanta,
chi 'e MERGELLINA se trova cuntento...


Io so' cu loro; ma penzo 'nfrattanto,
ch'AMALFI, pur'è degno 'nu mumento
d'essere arricurdato 'a qualche santo
spuntaneamente, senza pentimento!

AMALFI! Llà, si male ve sentite,
'o RISTURANTE LUNA ve sanate
A 'e CAPPUCCINI ve ringiuvanite!

Si jate 'o DUOMO, restate 'ncantate!
E si p' 'a strata femmene vedite,
senza vulè, nne site 'nnamurate!



La Divina Costiera : Majori



VII. GIRO

Sabbato, 9 marzo, pe' chiusura,
ANGRI e SCAFATI se facetto,
se fece pure ccà bona figura:
e ANGRI fuie degno de rispetto.

Sia p'accoglienza, che pe' sentimento
d'ITALIANITA e pe' murale;
io, francamente, ne fuie cuntento,
je manno 'nu saluto speciale!

PAGANI, fuie 'o pierno 'e stu viaggio:
pe' nun me prolungà. io passo appriesso,
ringrazianno pure dell'omaggio
a doie signore, quant'a 'nu cepriesso!

Sti ddoie signore erano nocerine;
pecchè a NOCERA nun ce fu parlata,
veneteno a senti 'o Tenentino
a PAGANI... « 'E vuò fa 'na paliata? »

SCAFATI, fece pure 'a parte soja,
cu Musica, Lumiere, Addubbature;
'a gente pe' senti ,teneva 'a foja...
E quistiunava comm' 'e criature!


A 'nu teatro 'mpiazza, gruosso assaie,
'nce stevano, pe di: tre mila gente!
E' cos'overamente 'un vista maie,
tutta 'sta massa stev'attentamente!

All'uscì d' 'o paese, 'nu signore
dicette: « Sit' 'e Dio cchiù furtunate...
Sulo 'na vota all'anno 'o Redentore,
e 'a vuie, dint' 'a n'ora, doie sunate! »


E così che SCAFATI sulamente
« e de chesto ce ne simm'ubblicate »
trattaie a nuie cu vero sentimento,
tanto da putè di: — fummo sunate! —




Ravello : Viale d'entrata del palazzo Rufolo



Ravello : Torre del palazzo Rufolo





VIII. GIRO

CAVA 'E TIRRENI fuie l'ultima gita,
e cu chesta fernetten' 'e parlate.
A CAVA! pare ca passate 'a vita
comm' a BOLOGNA, sott' 'e... purticate!

'O juorno appriesso, erano verso l'otto,
ce salutaimo cu 'e salernitane,
facettemo d' 'a robba 'nu fagotto,
e riturnaimo Napulitane.

Napulitane, ma che nun me scordo
SALIERNO! Che ne songo suddisfatto;
e d' 'a ricunuscenza, pe' ricordo,
dedeco chiste scritte c'haggio fatte.

E 'nziemo 'e scritte, dedeco 'stu core,
Ammore, 'o sentimento, 'a fantasia,
A te' SALIERNO BELLO e 'ngantatore,
cu 'nu saluto, da st'anema mia!...

Marzo 1913.

A. G. Liberti


· FINE




Sulla via di Cava







Prezzo: L. 2,00



**A beneficio della Sezione Napoletana
dell'Assoc. Nazion. fra Mutilati ed Invalidi di**
(Proprietà letteraria della Sezione di Napoli)

Università
di Sa

Facoltà di E
Commercio e

BIBLIO

Fondo C

51-12

Vol.